

榮縣志



榮縣志

物產第六

榮以鹽鐵著稱。漢志南安有鹽官鐵官。諸葛鐵山鑄兵器。時其業必盛。唐書土貢紬斑布葛柑利鐵。利鐵元和志所云和鐵也。宋史貢斑布有鹽井而鐵無聞。距今數百年。鹽業日盛一日。而鐵幾於不存。縣境無特異之產。亦無大宗之物。常事不書。則無一可書矣。盡所有書之。又書不勝書。特錄其於古有徵。於今有用者。有用望以後之發展改良。有徵則於讀書者詰訓之一助。區其類曰穀曰蔬曰果曰花曰草曰藥曰木曰鳥曰畜曰獸曰蟲曰鱗曰食貨曰用。

稷曰稷爲五穀之長。爾雅粢稷衆秫。說文稷齋也。曲禮稷曰明粢。月令首種不入。鄭注舊說首種謂稷。大戴禮注庶人無常牲。以稷爲主。故稷以名官。奉稷而祀之。孫郭注秫曰黏粟。說文粟嘉穀實也。知粢知秫知粟卽知稷矣。稷者穀屬。北方所謂稷米也。小米也。故小雪曰稷雪。程瑤田九穀攷妄以高粱當之。其辨專輒。世士趨風。按之雅紀。無一而合。高粱豈得爲五穀之長。一也。稻則有驚蟄秧。早包穀。四月已熟。高粱灼非首種。二也。說文秫稷之黏者。高粱與秫懸隔。三也。左傳粢食不鑿。故曰疏食。而曰稷形大。故得疏稱。豈非繆說。四也。稻梁黍稷。

民食之天。獨以高粱設官建祀。抑何不倫。五也。王引之謂高粱不黏者。粢稷也。以作飯。其黏者。眾秠也。以釀酒。是并不知高粱種性。宜邵二雲郝蘭皋洪稚存糾正之。稷。俗曰飯穀。農偁極餅。其略三葉栽。五葉實。七葉熟。早熟有黃瓜早。六十早。蓋草黃。麻散。長粒。綴秬。撒稊子。稊讀如刁。西陽早。諸種。晚熟有稀粒。綴秬。香穀二種。中熟有鐵茨穀。團茨穀。白穀。黑節藍。馬尾黏。大葉黏。齊頭黃。紅花穀。辟瘟黏。冷水黏。大桂陽黏。小桂陽黏。大稗。各種。黏當作占。本草。秠稻一名占稻。種出占城國。故名。秠古作稊。說文。稊稻不黏者。

稷。譌作糯。俗曰酒穀。有早晚二熟。早熟曰響。散糯。豬油粒。麻殼大穀。白殼大穀。諸種。晚熟曰五子種。居飯穀十之一。

糴巴。說文。糴。稻餅也。蒸糯米揉之。禮記曰粉糴。今以油炸之曰油糴。巴之名無誼。而五穀所揉爲糴。俗通名巴。按說文。糜。糴也。從米。麻聲。黃帝初教作糜。此今所呼巴也。廣韻。八戈。糴。莫婆切。糴。食也。亦可以糴。當今巴名。南史。齊衡陽王子鈞母病。左右以五色餅飴之。鈞不食。曰。須待姨差。虞棕傳。棕以孝聞。終喪日。唯食麥餅二枚。餅巴亦復聲轉。今俗以巴字無理。別作粃字。妄也。

陸稻。俗曰乾穀有鴛鴦黏耐乾穀二種。旱年種之。
黍有黏不黏二種。黏者爲酒曰酒黍。不黏者爲飯曰
飯黍。

粟禾也。說文禾嘉穀也。粟嘉穀實也。宋禾瑞不一。咸
平二年七月。資官縣吏董昭美禾一莖九穗者各一。景
德三年九月。滎州禾一莖十八穗。大中祥符八年四月。
旭川縣民任慶和田禾一莖九穗。天聖四年。滎州禾一
莖九穗。景祐三年。滎州禾一莖九穗。慶歷七年九月。滎
州嘉禾合穗。見宋史五行志。
豆。廣雅大豆曰秬。詩采芣是也。今日大青皮豆。次日

大黃豆。小豆曰荅。今小黃豆黑豆豬肝豆是也。配鹽幽之曰豆豉。礪而凝之曰豆腐。按豆腐傳始淮南王安。急就篇甘豆羹注。以泔米泔和煮之。一曰以小豆爲羹。不以醯酢。是野人農夫之食。尙不能精。大氏名之曰羹曰醬耳。如蜀都賦注。蒟蒻醬。卽今云磨芋豆腐也。宋則通見記載。陸游詩。洗鬴煮黎祁。注。蜀人以名豆腐。黎祁或作來其。近人攷其質。養分具足。通其變。踰三百種。其用博矣。宜乎專豆之名也。豆腐黶而朽之曰香豆腐。王壬秋都講尊經發詠課士。亦蜀故焉。

胡豆 一名蠶豆。凡物析之而名愈多。別有豆尤肖蠶

者。要之胡豆卽蠶豆矣。胡大也。爾雅曰。戎菽謂之荏菽。
注。卽胡豆也。爾雅專釋詩文。荏戎皆大也。郭璞以齊桓
公北伐山戎。出冬蔥及戎菽。布之天下。此衰周之戎菽
也。今胡豆乃后稷所種。種自深秋季春乃熟。溫地宜之。
北方沍寒。蠶豆今少。尤非山戎所宜。故知旆旆荏菽卽
此矣。或疑豳風小明之菽。蠶豆非其時。不知彼言菽。非
戎菽也。或疑戎菽與禾瓜同稱。蠶豆非其時。不知綜述
農功。麻麥亦非夏季也。管子地員篇。五土之宜。率援舊
制。所云。黍稷。惟胡豆花白。晴黑珠。如瞪眼然。鄉居入用
最廣。常饌外。以醬油爲大宗。其法漚而礮之。濾其甲令

淨。鬱以黃荊。令生衣。載淘載晾。曰豆瓣。一升配鹽三斤。加水則加鹽。暴烈日中。五月作。七月滿缶香矣。當慎者。鹽如其劑。少則殍也。其作辣豆瓣。入以麪。法小異。縣沃土及田塍皆種。并肆飼牛之需。四方運而致者等穀食。今火車興而牛料減矣。

豌豆 廣雅曰蠡豆。蓋西域種。故亦曰胡豆。非爾雅戎菽之胡豆也。北方以正月種。與崔寔四民月令合。南方及秋種之。其大者白花。齊民要術曰蠡豆。今大白豌豆也。小者紫花。今麻豌豆也。嫩苗曰豌豆顛。嫩莢可罐儲。常饌外可造醬。礮而濾之爲索粉。尤周於四方。

豇豆 廣雅曰降𧄸。降者其紋絳也。𧄸者一蒂雙絳如垂筋也。張騫得之外國。故古通稱胡豆。種有白青紅紫之殊。皆可繼糧。白者名飯豆。田家曰側豇。尤席上之珍。一粒一珠也。

菜豆 小豆類。或曰菜當作綠。粒大而色鮮者爲官綠。皮薄粉多。細而色深者爲油綠。皮厚粉少。浸之水生豆芽。

大麥 粦也。亦曰穀麥。有六棱光頭、四棱紅棱、火燒諸種。貧民或食之。餘則飼豕釀酒。

小麥 麩也。有油條、胡豆黃、石橋、光頭、陝麥、白小麥、泡

小麥諸種。確麩製醬油。用最廣。

油麥

山地多種。飼豕。餌食亦美。

蕎麥

有甜苦二種。甜蕎確麩。苦蕎飼豕。

燕麥

早熟。俗名魚鱗麥。飼豕釀酒。

稗

禾別也。俗名鴨腳稗。確食之嘉。

包穀

一曰玉蜀黍。曰玉麥。近人鄭珍據山海經穆天

子傳。以爲卽古之木禾。作玉蜀黍歌。張之略云。神禹所

見。益所記。遠在稷播以前。執岷嶓。稷筍脫。綳魚努目。鮫

胎出。骨蜂露窠。竹書又名爲荅堇。其時見之黑水阿。黑

水。今在雲南中。遠與茆醬驚黃。皤按以木禾當包穀。持

之有故不然。木禾不應失種。舍包穀又名實無相當者。惟黑水之說不能以周後地望上泥。三古版圖據今譯西史西圖。昆侖者喀喇山也。其境在今爲巴比倫亞西里亞。當裏海黑海之間。穆天子傳黑水卽幼發拉底河。有兩源。西源曰喀喇烏蘇。譯云黑水。是荅堇之來自蔥嶺以西。地形巧合。其傳植中國。先徧西南之陬。非周世職方所有。故雅記無之。鄭氏歌謂職方五種載周官。校之堯偁百穀已無多。木禾自是梁益產。歌豳刊落元非苛。自通夜郎略邛僰。伏豬名乃傳清河。固言之成理也。今包穀猶以西南爲大宗。種庶名錄功居稻麥之半。故

備舉鄭說。推所自出焉。高粱。廣雅。藿梁。木稷也。高粱非稷。以其高故云木稷。猶包穀非禾。以其高故云木禾也。博物志名蜀黍。王楙農書又名蜀秫。名蘆稌。名蘆粟。名荻梁。以種來自蜀。形類黍稷。故曰蜀黍。齊民要術曰巴禾。曰木稷。按高粱味漚。專用造酒。非常食。而程瑤田辨之。謂直隸山東山西河南陝西。爲賤者之常食。誠強辨矣。京師人人所知。何嘗恃高粱度日。若徒救飢而已。蜀民又何嘗不食哉。而段玉裁王引之朱駿聲埒之。誤已。

脂麻

胡麻也。一曰油麻。漢書司馬相如傳注。引蘇林

曰油音油麻之油種有二。白者油香美。四民月令云胡麻。白者油多。黑者入藥良。七修類稿。種芝麻必夫婦同下其種。收時倍多。僧無婦。種芝麻無得者。

苡仁 薏苡。俗曰六穀入藥。人仁通。故今通曰苡仁。

天星米 粒如黍。爆之成花。和饴作餅。曰天星餅。

已上穀類

油菜 說文。菜。草之可食。是菜者眾蔬之大名。云油菜

者。莢臺也。色紅白青。均可作油。其抽心者。郭璞所謂莖頭有臺。爾雅臺夫須。艾久臺。均名由義立。廣雅作臺。後起字也。臺紅者尤腴脆。屢摘屢發。聚如蓍矣。韓子蒼有

菜花乾詩。小摘黃花日中曬。中有巴蜀齋廚香。知宋時陵州習製。陵今仁壽也。茄、蘿蔔、阿瓜。鄉中均截絲暴之。以爲冬蓄。獨菜臺無乾者。習久而變。專取風露土膏之氣矣。

薤菜 俗曰空筒菜。宜蒞。南方草木狀。野葛有大毒。以薤菜汁滴其苗。當時萎死。世傳魏武噉野葛至一尺。先食此菜。齊民要術作薤菜。

白蒿 古曰蘇。一曰由胡。俗呼輭蘘。清明時茸茸而白。采爲餌。以薦祖墓。古采蘇祭祀之義也。其青者曰葍。俗曰青蒿。

蓮花白 春夏菰也。葉層裹而堅。圓如大球。種近他蔬。則變不裹矣。凡草木花葉。感氣而迤。遇旱尤多恠變。沈括言熙寧中。李及之知潤州。園菜悉成荷花。花中各生一佛。暴乾而像依然。近年成都近縣。南瓜蔓成龍形。身博如蝮。寬及兩掌。弩目垂髯。爪牙角尾。胷備。卒無他異。大抵蕪菁菰芥諸品皆然。因類觸之。君子藉以修省。桑穀之遺戒也。

莧 說文。莧菜。赤曰蕒。忌鼈。

苦菜 古曰荼。與茶蓼之茶別。亦曰苦。以荖鉏羹。唐韻曰苦蕒。俗音如馬。葉煎食。亦作菹。秋後新葉宜豆粥。

染絳葉似葎苗茹滑子絳汁殆葎之類族

蕨有牯蕨苦蕨牯蕨春生臺曰蕨臺根磨粉曰蕨粉

載舊志數十年無採製者固哉山農也廣雅苳蓫蕨也

蔡范書馬融傳作蕨故俗曰蕨基因誤腳雞謂象雞腳

區冷蕨二種洪邁以蕨蕨養人乾道辛卯紹熙癸丑荒

旱民掘根擣粉數十里數千人半年中倚此爲命近合

江製蕨皮暴粉如膠沃而烹之滑如海參榮北山尤多

數百年前老林口一帶蕨與崖齊十年前仰天窩一帶

墻間祭火延燒一山今墾矣蓋徵人滿之患

海椒俗曰番椒按蘇浙廣東無嗜者番海之名不爲